



Covid: da ogghji in Saldìgna pa' la diagnosi di positività basta lu test antigenicu

L'uldinànzia filmàta da lu presidenti di la Regioni vali finza a la dì 15 di malzu, la cunfelma di lu molecolari è ministèri invecchi pa' li malati ospedalizzati o chi déni esse ricoverati.

Cu' un'uldinànzia palisàta ariséra attaldu, paltèndi da ogghji e finza a la dì 15 di malzu in Saldìgna pa' la diagnosi di infezioni da Covid-19 sarà bastanti un test antigenicu positivu. Cussì comu suzzèdi pa' l'attivazioni di li disposizioni di sulitài o carantèna chi s'ghini impustati da li Silvizi di Igiene e Sanitài pùbblica.

Lu papèri filmàtu da lu presidenti Christian Solinas arréa a punì un pòcu di chjarèsa innantu a li tanti infulmazioni chi érani ghjirèndi illi chiti passati. Abà invecchi la chistioni è stata pòsta in chjàru: no selvarà la cunfelma di lu tampòni molecolari.

L'unica eccezioni è pa' li malati ospedalizzati o chi déni esse ricoverati: pa' chista scéra di passoni la diagnosi à bisognu di la cunfelma cun test molecolari.

Li réguli innantu a li test antigenichi, vèni sottuliniatu, àni 'alóri solu pa' li chi sò fatti da sugghjètti appruati da la Regioni. E dunca li puticarii cunvinzionati, pùbbriichi e priati, chi àni celti ditilmini. Nesciun valóri arani li test antigenichi fatti a la sóla.

Li sugghjètti chi àni àutu l'approu di la Regioni, arani di garantì, in dugna casu, l'assèntu di li datti illi sistemi infulmattichi regionali.

Progèttu:

“ÉU FAÉDDHU GADDHURÉSU”

Finanziatu da la Legghji 482 di lu 1999, alticculi 9 e 15 e Legghji Regionali 22 di lu 2018 – annualità 2021